

說 滴

葛 毅 卿

甲文有滴字，作𣶒前編卷五第二頁，𣶒前編卷六第二頁，𣶒後編上第十五頁，𣶒後編下第十九頁，從水從商，說文所無。

殷虛文字類編十一卷第七頁，滴字下按語云，『許書無滴字，集韻有之，云「音商，水名」，此云，「王其□舟于滴」，則水之爲水名信矣，但不知爲今何水耳』。

毅卿按滴字，說文，廣韻，地志，水經，均未收載，集韻有之，系商字下，尸羊切，云『水名』，而未及地望，其詳似已不可考見。

此字商氏類編收五體，潢川孫氏甲骨文編收四體，上下文殘缺，無由尋按，惟一字屢見，則此水必與商人生活有關，非僻地遠區，偶一涉足者，似可知。

古代氏族地名，因出于口授，率多同言異字，同字異言，如明都亦作周官職方孟豬夏書禹貢孟諸爾雅釋地，左傳及宋玉對楚王問同，士會亦言隨季，經籍所載，隨處而是，欲廣搜輯，盈簡累編，要唯音近或同，可通段耳。

說文商從問章省聲，段氏注引漢書律厯志云，『商之爲言章也，物成熟可章度也』，又引白虎通說商賈云，商之爲言章也，章其遠近，度其有無，通四方之物，故謂之商也。按今本漢書律厯志有是語，爾雅釋樂釋文引劉歆語同，通行本白虎通說商賈，商之爲言，商其遠近；說禮樂，商者張也，無商之言章語，段氏所言，未悉何本。

惟商章音同，猶有可尋，尙書費誓釋文，『我商賚女』，徐邈音章，集韻本之，于商字別出章讀，徐氏所言，必有所授，又商陸或作蒞蒞，或作章蒞，葦柳，語見王氏廣雅疏證蒞蒞條，集韻于蒞字下亦別出章讀，然則甲文之滴，或即後日之漳乎？

說 滴

漳水發源于晉，橫亘豫北冀南，其地爲昔商民族徘徊之所，滴或因商而得名也。

水經注引應劭地理風俗記云，『河內殷國也』按此解漢制；漢書地理志云，『河內殷虛，更屬于晉』，漳水所經，正係河內，丘曰商丘，故水曰滴水矣。

沈存中夢溪筆談解章爲文，引伸爲別，謂漳爲兩物相合，有文章且可別也，辭辨不可按。

蜀川岷山，亦作汶山，今人無言汶山者，漳行而滴廢，約定俗成，本無因而然也。

書缺有聞，非曰論定，姑存一說，以俟好學深思者之明辨云爾。